

靖遠縣志

卷一

道光癸巳重鐫

樂善堂

縣署禮房藏板

重修靖遠縣志序

夫志者記也記其已往之陳迹以詔將來云爾是故其紀事必詳其措詞必質其取義必嚴志之體固然矣靖遠志創自明萬曆時康熙己丑因其舊而增益

之乾隆時續增一卷數十年以來無繼響者余慮其愈久而愈無徵也乃於退食之暇竊出已見更定條目以次編錄藁具因武威王敘五同年請正於武威尹若亭先生有不合者先生悉

爲釐訂事詳詞質而義之嚴卽
寓其中後之來者取是書而覽
焉山川之險易地畝之肥磽戶
口之盈虛風俗之隆替靡不原
委昭晰瞭如指掌有所措施事
半而功倍於吏治民生之道未
必無少助云

靖遠縣志

序

道光十三年癸巳九月旣望

賜進士出身知靖遠縣事前陝西戊
子科鄉試同考官金陵陳之驥
撰



靖遠縣志卷之首

目錄

卷之首

序

敘錄

附舊志銜名

銜名

圖考

凡例

卷之一

誥勅

分野

建置沿革

沿革表

靖遠縣志

卷之首目錄

三

世紀

國朝輯畧

卷之二

方域

形勝

山川

古蹟

城池

公署

坊表

祀典

學校

寺觀

卷之三

職官

名宦

宦績

卷之四

鄉賢

武功

科甲

貢生

行伍

雜途

魁封

恩蔭

忠孝

節烈

義

流寓

隱逸

鄉耆

鴻遠縣志

卷首目錄

四

仙釋

塚墓

卷之五

武備

糧餉

戶口

田賦

風俗

物產

史傳

卷之六

碑記

卷之七

序

詩

賦

卷之八

雜說

雜記

跋

義糧

清遠縣志

卷之八

三

萬厯志敘

延論

不佞跼伏堊堵時睹昔人掌故纒纒譚遑事不啻指掌豈
一曉矚而拇趾之哉蓋據程以鏡往按籍可以論世此鏤
心揚摧者孜孜惟誌急也靖遠故無誌已丑春上大府臨
海王公以寰宇人豪秉憲茲土再踰年而政治軍民公暇
嘆曰郡邑有志猶國之有史也可以邊鄙遂闕焉置弗講
哉乃擇術之飽於聞見者爰授厥事僉曰高君髯眉且白
庶幾鄉之宿儒也遂舉纂緝付之片山川賦役人物風俗

靖遠縣志

卷首 敘錄

悉令蒐羅裒益如傳記故事幾閱月而草始具公特手加
校讐始就緒焉論以下邑吏讀而卒業廼敢僭言曰自遷
固以還誌輿圖者亡慮數十家大都侈藻績而病滯復卽
隻詞少盡且傲筭視之矣誌何容易言也顧文直事核稽
肆聞幽斤斤焉不失先民程度則國史猶然難之茲誌爲
高君肆力叅訂矧得宗匠者左提右絜用以汰冗釐譌彰
勸示懲無虛譽無贗詞當國史讓精選固退舍以付剞劂
氏爲不朽計誰謂不宜哉且斯誌一出將使後之蒞此土
者披卷而悟懼然而奮指某爲仕也賢者思肖之指某爲

鄉也語吾思齊之指某爲雄才將畧也者吾思匹休而濟
美之裨治理表風俗運山川於指顧悉徃賦若列棋一切
政體民情人文物力靡不燭照數計之無謬爽此志實爲
之矯矢矣如徒曰文焉爾也語曰玉卮無當卽美弗實觀
者方棄置勿顧竟何足述焉僉進而言曰是足以敘斯志
矣遂綴前言而弁簡首萬歷己丑之吉賜進士知會寧縣
事廷論撰

康熙志敘

石文焯

隴右爲羲軒故里維昔闡道畫卦實開天地文明之運敷

靖遠縣志

卷首敘

七

千百年以來流風餘韻至今猶有存者斯固文獻之所由
徵也其間拓地延袤幾二千餘里所爲星野封疆山川人
物風俗土產與夫名蹟典故扼險勝概所屬郡邑州衛載
在志書者可考而知也至靖遠爲古會州地雖僻處邊陲
而襟山帶河幅幘廣濶所爲文經而武緯者後先相望幾
甲隴右舊雖有志滄桑世迭不無殘缺失次難以徵信邇
來已百有餘年矣歲己丑循之紳士慨茲墜典協謀以新
之延集名宿嚴加校讐自夏徂冬而書告成以予職忝監
司呈稿以弁言請因披閱數過不禁掩卷嘆曰茲志也紀

事必核其實纂言必會其精據簡編者多於耳目搜遐述者詳於辨證於以體國而經野考俗以準治別淑慝辨名物驗盛衰監得失綱陳曰舉燦然可徵不特以修一方之隆典亦可以備

上國之採風吾知衛之紳士依日月而際風雲者文德武烈應運迭興以庶幾於古文獻之遺而光吾之隴以右者豈淺鮮哉因接管而樂爲之序

康熙志敘

蔣宏道

凡郡邑之設其版圖掌故所載亦極大備按籍而考較若

靖遠縣志

卷首敘錄

八

列眉夫亦何事乎志哉然而風俗之好尚土物之異宜人材之秀發以及奇節異能炳耀鄉曲堪垂訓久遠者非志不足以詳之况靖衛古敷文地也秦關之樞機金城之鎖鑰交有賴焉則志之重也顧可忽乎余從粵東量後斯地每按部所之見夫川原偉麗疆宇恢濶名族巨室代不乏人而磊落邁俗爲時坊表者所在多有因索乘以希窺全豹而舊志所載殘缺失次零落無徵者幾於過半私竊憾焉念我

天朝深仁厚澤覃敷邊徼戶口日繁民氣和樂而且鍾靈毓

秀人文蔚起卽窮鄉僻壤呈祥獻瑞爲職方所僅見者已
且志不勝志寧以衛而乃聽其滄逸弗彰等之斷簡殘編
已耶因與司牧馬君文麟共商所以補漏拾遺者而有志
未果居無何而紳衿以修志見告矣余喜其實獲我心也
力嘉其成始於己丑季夏乃延學博李君一鵬以總厥事
偕豫章鄒子吉方及衛明經賀子福各出其經經緯史之
才如燕如許之手分類編訂刪繁存雅而紳士李子筠復
以宏才卓識參互訂攷以勘厥成幾閱月而繕本具矣余
愧投筆無文都人士以其有地方責呈驗於余讀之則見
其別而有序至順也直而不阿至公也遠稽近考至詳也
彰往昭來至明也靜閱數過不禁淵魚聳鱗之興聊誌荒
言以表揚盛事云

康熙志敘

鄒吉方

志何昉乎昉於經與史也山川則壤始自禹貢民俗歌謠
本乎風詩編年紀月準諸春秋以至天時人事之有朕職
方掌故之有司又各原於易與禮而其體裁義例則班史
而下代有傳書要皆不離乎經與史者近是志以稽事
而載典彰往而昭來憲章所在一賦一有禁書且大矣故

一代之興必有一統之志蓋史畧而志詳志固足以佐史之不及溯厥源委其大要必本於六經乃有以成一王之治法厥後方國各有志卽下至郡邑所爲疆宇之廣狹畧野之攸分士俗之貞淫戶口之盈縮田賦之輕重人物藝文之盛衰官師學校之興替亦莫不諸體悉備勒爲成書俾後世不至無徵焉斯已耳靖遠爲古會州地密邇荒服固關隴一大屏障也入其境井疆鱗次雉堞嚴森都人士雍容樸茂猶有先王遺風焉至若文武師濟耆英輩出閭閻凌雲州里相望又爲關西上游風擅名勝舊志刻自明

靖遠縣志

卷首 敘錄

萬厯己丑至

今上御極之四十有八年歲在己丑厯百有二十年矣世遠人澆訛謬散佚罔從考信誠爲此邦一大缺典於是明經賀子以介暨李子凌雪協同合衛紳士慨然於百餘年來憲章文獻幾於無徵謀所以重新之以予昔年曾從宦珂里於聲氣中舊有文字之好乃不鄙荒陋折柬招致於五原幕府維時則有本衛學博陳寶李伯翔先生以清時碩彥坐執牛耳更立名義分類編摩而予小子方亦得從諸君子後謬爲叅校嚴加釐正越五月而書成補脫簡於灰

燼之餘蒐逸事於風雨之鄉選言簡貴綱舉目張不以紀
漏駁雜貽憾大雅庶幾發天文地紀人事之蘊而風土人
物忠臣孝子義士烈婦之面目如經浴而出且使一帶河
山亦覺重開生面以是紹憲章而備文獻昭典型而垂勸
戒亦可以弗畔於經與史矣夫窮而變者易道也變化而
行乎鬼神六甲實爲終始茲志之編次重刊再逢己丑適
與天運默爲符契然則關於天人世教之重且大者不又
從可知哉予幸躬際其盛敢爲揚扈數語誌諸編末以附
千載於不朽云

靖遠縣志

卷首敘錄

十一

康熙志敘

馬文麟

往余於壬午歲恭膺

簡命承乏茲上公餘之暇卽取靖遠舊志讀之欲以識其建
治之由來山川之疆界與夫人文物產風俗好尚之異宜
顧版帙殘缺抑且記載無倫不能無按圖索瘼之感焉思
與都人士謀重新之奈年來民事多歉方事招撫安集之
不暇而又何能網羅舊聞從事文墨爲耶今夏闔邑紳士
慨然於舊志之訛亂散亡而後將無徵也白其事於鄉老
先生共採補以新之乃延衛學博李君伯翔吉安名宿鄒

子智千暨邑諸紳士互相攷訂閱冬而書成丐余一言以
弁諸首夫興墜舉廢司牧者責也余何敢辭乃爲之序曰
郡縣之有志也尙矣粵自東漢南陽撰作風俗郡縣始各
爲志要以徵文考獻義各有歸也今之志或失則煩或失
則簡簡則逸其義煩則騁其詞曷以彰往而昭來且志也
者其史之遺耶章敝以示儆存往以示風俾後之鑒之者
究其敝思易其偏跡其往思淑其後而直道行矣否則雜
獵見聞漫無義例與耳食何以異尙言志哉今諸君子之
書於志地輿而見山川之阨要志城郭而見建治之沿革

志明貨而見賦役之出納且武備志而知邊徼之在所必
飭人物志而知鍾育之不乏奇特文藝志而知學校之不
可不謹於以宣隱闡微稽物乘軌不侈而悉不迂而理一
覽而全邑之情事燦然皎若列眉允可以爲良史而信今
傳後也已然則是舉也固予所有志未逮者諸君子先獲
我心焉實予之大幸也豈第彼都人士之幸也哉

康熙志敘

李一鵬

靖遠古雍州之域介在荒服實控制三秦西北徼塞之要
衝也其封域之廣狹土田之肥磽儲蓄之盈縮畜牧之豐

歎與夫習尚之淳樸澆漓苦樂勤怠以及山川形勝之險
陷阻隘奸宄狡猾偵謀窺伺起伏出沒之情狀皆不可無
志志者誌也志之非徒稽其原委來歷興建廢置也抑所
以資當事者之目覽心計休其經營籌畫以爲桑土綢繆
之前著也云爾未設衛之先或爲外境或爲內境割據恢
復那移改遷名稱不常史策所載大畧可覩已而建備以
後雖閒有圖記冊籍而斷簡殘碣索考不易迨萬厯己丑
所纂久經塵埋人不及見王藏者視爲不急之務胥徒弗
戒遂多缺失卽僅存者亦多漶漫舛錯不可卒讀矣識者

靖遠縣志

卷首 敘錄

十三

惜之迄於今歷百二十年當新疆未闢之日三垂時警四
郊多壘天造草昧之際戎馬搶攘之秋以邊關義烈勁氣
夫豈無運籌折衝者乎夫豈無賈勇陷堅者乎殊勳異伐
孤忠奇節表表在人耳目間者顧可使之有美弗彰乎
國朝永清大定以來乘間氣翊景運夾日而飛者固彪炳天
壤而委巷圭窬潛德幽光概不乏人顧可使之滅沒無傳
乎

今上己丑孟夏衛之人士慨然念此典誠爲邑中一缺陷僉
謀所以鼎新之於是紳士賀子福李子筠禮致江右名宿

鄒子吉方暨予鵬刻期張局相與共事編摩參互讐校閱
五月而始脫藁繕寫成帙用付剞劂以垂永久要亦不過
搜羅時事補綴未備聊以爲後來載筆者之副墨蓋亦云
爾若曰上藉以資當事者之採取下足以慰都人士之風
望非予之所敢知也謹拜手而爲之序

康熙志敘

劉進

今天誌也者史之餘也古者建其地卽胥其地之所有羅
致而編次之以著之爲靈以垂之爲鑒是爲誌體是爲史
法蓋史以示鑒其於關津之要官鳥獸花木之妖祥以及

靖遠縣志

卷首敘錄

四

人文之藪風俗之關靡不大書特書以彰之而醒世之微
情藏於字法唯誌亦然故言乎地靈則名山大澤必有
述也珍禽異獸必有載也奇葩別卉必有紀也言乎人物
則雋咏佳吟必有錄也高才微行必有登也言乎俗尚則
淳風積習必有陳也蕭闌同苑而涇渭分流誌固通於史矣
修志之功等於修史雖大小殊規其義一也抑志者誌也
意取乎不忘抑又記也義取乎博綜云爾不忘則有所觀
法而興起而或則名宦或則鄉賢登之尊寵不則廢辱亦
域中得失之林矣然則又取於博綜何也今天遊人遷客

足跡滿江湖卽以五方風土類心維而能道之而維桑之
一花一木或茫昧而若喪無他耳目不至之處等之文獻
之無徵大抵然也是故兼採而備錄之以爲之博綜乎爾
衛固遼寧夏之驛遞遶黃河之上流險塞之區形勝之地
也其間之一峯一邱一林一壑靡不秀色可餐夫蘊玉之
山必輝含珠之川自媚宜其有什伯之才應運而起以與
我衛鍾此靈長者有志之士思有所托以不忘而繼武者
之衆也然則今日德志之修夫且不第爲史之餘而殆將
爲左券乎夫前何以美今何以繼今何以盛後何以傳展
靖遠縣志

卷首敘錄

五

卷遙集後先相望崛起者在豪傑耳綿長者自在世德
耳則不徒恃夫一峯一邱一林一壑之佳麗謂足鍾我衛
之靈長也已

康熙志敘

王見普

誌書之作所以揭地靈按戶口紀人物驗風俗總名核實
昭德暨遠以助宣政教之善也三代以前幅幘未大生齒
未繁戶口可得數者視今不過什二三其時未有誌名然
而徵獻考文在在可通讀幽風而述民俗之儉勤則詩一
誌也讀禹貢而析物產之本末則書一誌也讀春秋而別